

Андижон шаҳри

АНДИЖОН ШАҲАР ҲАҚИДА

Ўзбекистоннинг йирик индустриал шаҳарларидан бири. Вилоятнинг маъмурий, иқтисодий ва маданий маркази. Шаҳар Фарғона водийсининг шарқида, Андижонсой ёқасида, денгиз сатхидан 450 метр баландликда жойлашган. Июлнинг ўртача харорати 27-28, январники $\square\square\square$ 3 даража. Аҳолиси 363,0 минг киши, майдони 74 кв. км. Шаҳарда 74 та маҳалла мавжуд. Андижон шаҳри шимолий ғарбдан Олтинқўл тумани, шимол ва жанубий-шарқдан Андижон тумани билан чегарадош. \square Андижон республиканинг шарқий нуқтасида дехқончилик ривожланган ва шаҳарсозлик маданиятининг ўзига хос «Фарғона водийси илк сивилизацияси» маконлари занжирида жойлашган. Андижоннинг тарихини ўрганиш ишлари бошланганига 100 йилдан зиёд бўлди. Турли даврларда А.К.Писарчик, В.И.Козенкова, Б.Абдулғозиева, С.Жалилов, Дадабоевлар шаҳарда тарихий-этнографик ва археологик қазишмалар олиб бордилар. Шаҳардаги мунтазам археологик тадқиқотлар ўтган асрнинг 80-йилларида Фанлар Академияси Археология институти ходимлари томонидан олиб борилди. Андижоннинг таркибий-худудий жойлашуви тўғрисидаги маълумотлар 1893 йилги топографик харитада учрайди. Унда шаҳар даҳалари, масжидлар, мозорлар, кўчалар харитага туширилган. Ҳадимшунослар Андижон шаҳрининг тарихий қисмига кирувчи Чордона, Сарвонтепа, Яккатепа, Ўўштепа, Арк ичи, Шахристонкаби нуқталарда археологик тадқиқотлар олиб бордилар. Кейинги йилларда олиб борилган археологик кузатув ва қазишмалар Андижонда милоддан аввалги VI-IV асрларга оид топилмаларнинг аниқланиши бўлди. Андижоннинг энг қадимги тарихи билан боғлиқ ёдгорлик ва маданий қатламлар шаҳарнинг жанубий-ғарбий ёки марказий қисмида $\square\square\square$ Сарвонтепа ва унинг яқинидаги худуддан \square аниқланди. Ер сатхидан қарийб 4 метр қуйида қалинлиги 1 метрга борадиган, бундан 2400-2600 йилларга тўғри келадиган археологик комплекс аниқланди. 2007 йилги қазишмалар натижасидаги хулосаларга кўра бу комплекс бир неча гектар майдонда тарқалган. Албатта, Ўрта Осиё шароитида дехқончилик билан машғул бўлган аҳоли сув яқинида ўрнашган, хаёт кечирган, катта ва кичик маконлар бунёд этган. Андижон ҳам бундан мустасно эмас. Академик А.Р. Мухаммаджоновнинг фикрига кўра,

«Андижон» атамасининг келиб чиқиши сув □ □ □ оби-хаёт билан боғланган. Яъни, Андижон топоними келиб чиқиши жихатидан турк-мўғул атамаси бўлиб, «сой (сув) бўйидаги (ёқасидаги) макон» маъносини беради. Бу атаманинг келиб чиқиши ҳам бежиз эмас. Бу қайсидир маънода Андижоннинг қадимги асосини сой(дарё) яқинида жойлашганига далил бўлади. ХИИИ асрнинг биринчи чорагида Андижон Фарғона вилоятининг пойтахти бўлган. Бобур Мирзонинг ёзишича, Мовароуннахрда Андижон арки ўз катталиги жихатидан Самарқанд ва Кешдан кейингиси хисобланарди. Шу даврда Андижоннинг ўз пул зарбхонаси ҳам фаолият кўрсатган. Демак, Андижон Ўрта Осиёнинг илк дехқончилик пайдо бўлган ва шаҳарсозлик маданиятининг дастлабки кўринишлари шаклланган ўчоқларидан бирида жойлашган. Бу ҳудудда илк шаҳар Далварзин (мил.авв. IX-VIII асрлар) ва архаик шаҳар Эйлатон (милоддан аввалги VI-III асрлар) харобалари қайд этилган. Ўзининг геополитик жойлашувига кўра Андижон Бактрия, Сўғд, Чоч каби тарихий ўлкаларни Хитой (Шарқий Туркистон) билан савдо, иқтисодий ва маданий алоқаларида ўзига хос кўприк вазифасини бажарган.

АНДИЖОН ШАҲАР ҲОКИМЛИГИ

Ҳокими: Ҳайдаров Баҳромжон Насырбоевич

Иш вазифаси: Шаҳар ҳокими шаҳарда олий мансабдор шахс бўлиб, айти бир вақтда ҳудудда вакиллик ва ижроия ҳокимиятини бошқаради. Ўз ваколатларини яқкабошчилик асосида амалга оширади. Шаҳар ҳокими Ўзбекистон Р еспубликаси Конституцияси, «Маҳаллий давлат ҳокимияти тўғрисида» ги Ўзбекистон Р еспубликаси Қонуни, Ўзбекистон Р еспубликаси Президентининг Фармонлари, қарорлари ҳамда Вазирлар Маҳкамаси ва вилоят ҳокими қарорлари билан белгиланган ваколатлар доирасида ижроия ҳокимияти фаолиятини ташкил этади. □

Телефонлар: 0 (374) 222-28-63, Факс: 0 (374) 222-28-47

Манзил: 170120, Андижон шаҳри, Навои кўчаси, 73 уй

Иш кун вақти ва тартиби: 09:00-18:00 // Обед 13:00 дан 14:00 гача

EXAT: andijan.sh@exat.uz □ □ □ andijan@andijan.uz

Мурожаатлар учун: 0 (374) 225-79-97 //  ИШОНЧ ТЕЛЕФОНИ: 0 (374) 223-94-95

WEB SITE: shahar.andijan.uz

[АНДИЖОН ШАҲАР ҲОКИМИНИНГ ҚАРОРИ ҲИЗОМИ](#)